



Sabtu, 23 April 2022
Ogen: Matius 7:12



"Bahanlah Singena Atendu"



Sekalok anak si kitik denga, lit panganna, janah ipanna i kebe-lebe temanna. Ipindo temanna ndai sitik pangan e tapi la ibereken anak si kitik ndai sebab mbiar pedas keripanganna. Berjut me temanna ndai. Seminggu kenca si e, jumpa ka duana anak si kitik enda ndai. Sekali enda anak si berjut ndai ka lit panganna. E maka pindo temanna ndai ka sitik, la ke iberekenna sabap minggu si lewat pe la ibereken temanna e bana panganna. Cerita dua anak si kitik enda biasa kel sibegi i bas anak-anak. Adi si ukuri, entah bas kalak si enggo dewasa pe lit denga biak si bagi anak-anak e?

Pesan Jesus man banta i bas wari enda, nina "*Bahanlah man kalak si deban bagi ngena atendu ibahanna man bandu.*" Ertina, adi ateta ndat ken kebujuuren bahanlah si bujur man kalak, adi ateta ndatken kemalemen ate, banlah kemalemen ate man bana, adi ateta ndatken kiniulin maka banlah kiniulin man kalak sideban. Enda me undang-undang si nggo ipadanken Dibata man banta selaku kalak si nggo nandai Dibata. Lit je sada perayaken erlumba erbahan si mehuli. Perbahanen si mehuli ulihna uga pe si mehuli, gia lenga gundari. Seh pagi paksana isaliahken dibata kerina jadi mehuli. Saja ipindoken gelah kita perlebe ngelakokensa. Bahanlah tekad ras komitmennta guna ndalanken si bujur, nehken kiniulin ku sekelewetta. Dalankenlah biak-biak si mehuli bagi si ngena ateNa, pasu-pasu tetap jadi sikerajangennta.